



Terenski centar Mostar

Broj:18.10-50-17-392-2/15
Datum: 23.10.2015.godine

O B A V I J E S T

Obavještavaju se studenti strani državljani da Služba za poslove sa strancima posredstvom svoga Terenskog centra u Mostaru vrši pojačani inspeksijski nadzor – kontrolu boravišnog statusa stranih državljana koji na temelju obrazovanja borave u BiH.

Studenti-strani državljani, koji ne posjeduju odobren privremeni boravak u BiH, dužni su da se najkasnije do 10.11.2015. godine jave na slijedeću adresu:

Bosna i Hercegovina
Ministarstvo sigurnosti
Služba za poslove sa strancima,
Terenski centar Mostar
Kneza Višeslava bb (zgrada Orca)

Prema studentima-stranim državljanima za koje se prilikom kontrole utvrdi da na temelju obrazovanja borave u BiH bez reguliranog boravka, poduzeti će se zakonom predviđene mjere, odnosno izricanje mjere protjerivanja sa teritorije BiH sa zabranom ulaska od jedne do pet godina, kao i izdavanje Naloga za naplatu novčane kazne u iznosu od najmanje 300,00 KM, a navedene osobe mogu biti zadržane na granici u statusu osobe koja ilegalno boravi u zemlji.

VAŽNE INFORMACIJE ZA STUDENTE STRANE DRŽAVLJANE

Uvjeti i način reguliranja boravka u BiH na duže vrijeme

Odmah po dolasku u BiH na temelju prava na bezvizni boravak *dužni ste prijaviti boravište (adresu stanovanja) nadležnoj organizacijskoj jedinici Službe ili policiji*, prilikom čega će vam se izdati Potvrda o prijavi boravišta (tzv "bijeli karton"). Ukoliko ćete stanovati u studentskom domu, u tom slučaju obvezu prijave boravišta i izdavanja Potvrde o tome ima pravna osoba čija je djelatnost pružanje takvih usluga. Ako namjeravate da boravite duže od 90 dana u šest mjeseci računajući od dana prvog ulaska (period određen za bezvizni boravak), odnosno duže od bezviznog boravka koji je preostao u odnosu na prvi ulazak unazad 6 mjeseci, *dužni ste da podnesete zahtjev za odobrenje privremenog boravka za period koji odgovara trajanju akademske godine (do 1 godine) i to najkasnije 15 dana prije isteka perioda važenja bezviznog boravka.*

Potrebna dokumentacija za odobrenje privremenog boravka u BiH na temelju obrazovanja

1. Zahtjev – podnosi se na propisanom obrascu
2. Administrativna pristojba u iznosu 100 KM;
3. Fotografija formata 35 X 45mm;
4. Ovjeren preslik putovnice čija je važnost najmanje tri mjeseca duža od perioda na koji se traži odobrenje privremenog boravka, sa otiskom posljednjeg ulaznog štambila;
5. Ovjeren preslik potvrde o prijavi boravišta-adrese stanovanja („bijeli karton“);
6. Potvrda o upisu na obrazovnu ustanovu za tekuću školsku/ akademsku godinu (original ili ovjeren preslik) ;
7. Dokaz o uplati školarine ili drugih troškova obrazovne ili druge institucije (original ili ovjeren preslik);
8. Liječničko uvjerenje izdano najkasnije tri mjeseca prije dana podnošenja zahtjeva, iz kojeg je vidljivo da ne boluje od bolesti koje su prijetnja javnom zdravlju u BiH-(pribavlja se u Domu zdravlja prema mjestu boravišta);
9. Dokazi o nekažnjavanju i nevođenju kaznenog postupka izdani od strane nadležnih organa države iz koje stranac dolazi, ne stariji od šest mjeseci prije podnošenja zahtjeva;
10. Dokaz o osiguranim sredstvima potrebnim za izdržavanje za akademsku 2015/2016 godinu: (800 KM mjesečno; ili 800 KM u momentu podnošenja zahtjeva i izjava o izdržavanju za vrijeme studija, ovjerena kod nadležnog organa, kojom se roditelji kao izdržavatelji obvezuju da će za vrijeme studija osigurati: izdržavanje i druge troškove koji mogu nastati boravkom u BiH, troškove smještaja, eventualne troškove liječenja i troškove izlaska iz BiH, uz dokaz o stalnim izvorima prihoda **roditelja**; ili garancija državljanina BiH ili stranca sa odobrenim privremenim ili stalnim boravkom u BiH kojim potvrđuje izdržavanje za vrijeme namjeravanog boravka u BiH, uz dokaz o stalnom izvoru prihoda; ili dokaz o visini stipendije ili drugom izvoru finansiranja)
11. Dokaz o osiguranom smještaju u BiH: (ugovor o zakupu stambenog prostora; ili ugovor o smještaju u studentski dom; ili izjava osobe kod koje stranac ima osigurano smještaj kojom se daje saglasnost za korištenje i stanovanje sa dokazom o pravu vlasništva ili korištenja stambenog prostora-ovjerena kod organa uprave u mjestu boravišta);
12. Dokaz o osiguranom zdravstvenom osiguranju u BiH; (dobrovoljno zdravstveno osiguranje; ili, zdravstveno osiguranje osiguranno u skladu sa međunarodnim ugovorima o socijalnom osiguranju u kojim je Bosna i Hercegovina ugovorna strana uz potvrdu stranog ili domaćeg Zavoda zdravstvenog osiguranja; ili zdravstvena iskaznica ovjerena od strane nadležnog Fonda zdravstva u BiH; ili drugi dokaz predviđen ugovorom o socijalnom osiguranju).

Predaja zahtjeva i postupak rješavanja

Zahtjev na propisanom obrascu, zajedno sa dokazom o uplati administrativne pristojbe i originalnim ili ovjerenim dokazima, predaje se osobno Službi za poslove sa strancima - *Terenski cenar Mostar, ul. Kneza Višeslava bb /zgrada Orca) u vremenu od 09-13 sati.* Obrazac zahtjeva i upute za uplatu pristojbe mogu se dobiti u prostorijama Terenskog centra ili se preuzeti sa web stranice: www.sps.gov.ba. Postupak rješavanja podrazumijeva ponovnu provjeru valjanosti priloženih dokumenata i dodatne provjere, nakon čega se donosi rješenje. Ukoliko je zahtjev riješen pozitivno u putovnicu podnositelja zahtjeva unosi se naljepnica (stiker) odobrenog boravka.

Više informacija možete dobiti na web stranici Službe: www.sps.gov.ba ili na telefon 036/319-118, 036/319-032.